

先秦漢魏晉南北朝詩

逯欽立輯校

先秦漢魏晉南北朝詩

中

中華

局

# 晉詩卷十一

劉琨

琨，字越石。中山魏昌人。元康中。爲司隸從事。歷太尉掾、著作郎、太學博士、尚書郎。光熙初。封廣武侯。永嘉初。拜并州刺史。建興二年。加大將軍、都督并州諸軍事。三年。進司空。四年。爲石勒所敗。奔段匹磾。大興元年。爲匹磾所害。有集十卷、別集十二卷。

## 扶風歌

朝發廣莫門。暮宿丹水山。左手彎繁弱。右手揮龍淵。顧瞻望宮闕。俯仰御飛軒。據鞍長歎息。淚下草堂詩。箋作下淚。如流泉。繫馬長松下。廢文選作發。御覽、樂府、文章正宗、詩紀同。初學記或作登。或作歇。草堂詩箋作歇。鞍高岳頤。草堂詩箋作丘頤。烈烈六臣本文選注云。五臣作冽冽。樂府作冽冽。悲風起。泠泠澗水流。揮手長相謝。哽咽不能言。浮雲爲我結。歸六臣本文選注云。五臣作飛。詩紀同。樂府作飛。鳥爲我旋。去家日已遠。安知存與亡。慷慨窮林中。抱膝獨摧藏。麋類聚無麋字。鹿遊我前。猿類聚無猿字。猴戲我側。資糧既乏盡。類聚作以乏。薇蕨安可類聚作足。食。攬轡命徒侶。吟嘯絕巖中。君子道微矣。夫子故詩紀云。一作固。有窮。惟昔李騫六臣本文選注云。五臣作慈。

類聚、樂府作怨。期。寄在匈奴庭。忠信反獲罪。漢武不見明。我欲竟文選作競。六臣注。五臣作意。此曲。此曲悲且長。棄置勿重陳。重陳令心傷。○文選二十八。文選集注五十六。樂府詩集八十四。文章正宗二十九。詩紀三十一。又類聚四十三引頭、流、側、食、庭、明六韻。初學記二十二引頭一韻。二十八引頭、流二韻。草堂詩箋三戲贈詩注引頭一韻。二十五杜鵑詩注引泉一韻。御覽三百五十八引頭一韻。

### 扶風歌豔歌行

南山石崑崙。松柏何離離。御覽作摧摧。事類賦同。上枝拂青雲。樂府作雪。中心十數圍。洛陽發廣文選作乏。按當作伐。中梁。松樹御覽作柏。事類賦同。竊自悲。斧鋸截是松。松樹東西摧。特類聚作持。詩紀同。作四輪車。載至洛陽宮。觀者莫不歎。問是何山材。誰能刻鏤此。公輸與魯班。事類賦作般。被之用丹漆。薰用蘇合香。本自詩紀作是。南山松。御覽作柏。事類賦同。今事類賦作採。爲宮殿梁。○類聚八十八作古豔歌。樂府詩集三十九作豔歌行。不署作者。廣文選十二作豔歌行。詩紀六。又御覽九百五十三作扶風歌。引摧、圍二韻。九百五十四引摧、圍、悲、班、香、梁六韻。事類賦柏賦注引摧、圍、悲、般、香、梁六韻。○遠案。古詩紀此篇編入漢詩。然據御覽及事類賦。知爲劉越石作。今編之於此。

### 答盧諶詩八章○并書

琨頓首。六臣本文選注云。五臣重頓首二字。損書及詩。備辛酸之苦言。暢經通之遠旨。執玩反覆。不能釋手。慨然以悲。六臣本文選注云。五臣作喜。歡然以喜。六臣本文選注云。五臣無此句。昔在少壯。未嘗檢括。遠慕老莊之

齊物。近嘉阮生之放曠。怪厚薄何從而生。哀樂何六臣本文選注云。五臣作所。由而至。自頃輒張。困於逆亂。國破家亡。六臣本文選注云。五臣作家國破亡。親友彫殘。塊然獨坐。則哀憤兩集。李善本文選此二句在負杖行吟則百憂俱至下。六臣本注云。此二句善置負杖行吟下。負杖行吟。則百憂俱至。時復相與舉觴對膝。破涕爲笑。排終身之積慘。求數刻之暫歡。譬由疾疢彌年。而欲一丸銷之。其可得乎。夫才生於世。世實須才。和氏之璧。焉得獨曜於郢握。夜光之珠。何得專玩於隨掌。天下之寶。固李善本無固字。詩紀同。當與天下共之。但分析之日。不能不悵恨爾。李善本文選作耳。然後知聃周之爲虛誕。嗣宗之爲妄。六臣本文選注云。善作忘也。作也。昔騶驥倚輅於吳坂。長六臣本無長字。鳴於良樂。知與不知也。百里奚六臣本文選注云。五臣有非字。按非字衍文。愚於虞而智於秦。遇與不遇也。今君遇之矣。勗之而已。不復屬意于文。二十餘年矣。久廢則無次。想必欲其一反。故稱指送一篇。適足以彰來詩之益美耳。琨頓首頓首。

厄運初遭。陽爻在六。乾象棟傾。坤儀舟覆。橫厲糾紛。羣妖競逐。火燎神州。洪流華域。彼黍離離。彼稷育育。哀我皇晉。痛心在目。六臣本文選作痛在其目。注云。善作痛心在目。

天地無心。萬物同塗。禍淫莫驗。福善則虛。逆有全邑。義無完都。英蕋夏落。毒卉冬敷。如彼龜玉。韞積毀諸。芻狗之談。其最得乎。

咨余軟弱。弗克負荷。愆釁仍彰。榮寵屢加。威之不建。禍延凶播。忠隕于國。孝愆于家。斯罪之積。如彼山河。斯釁之深。終莫能磨。

郁穆舊姻。媿婉新婚。不慮其敗。唯義是敦。李善本文選無此二句。六臣本注云。善無此二句。褻糧攜弱。匍匐星奔。

未輟爾駕。已隳六臣本文選注云。五臣作墮。詩紀同。我門。二族偕覆。三孽並根。長慚舊孤。永負冤魂。

亭亭孤幹。獨生無伴。綠葉繁縟。柔條修罕。朝採爾實。夕捋爾竿。竿翠豐尋。逸珠盈碗。實消我憂。憂急用緩。逝將去矣。李善本文選作乎。庭虛情六臣本文選注云。五臣作憤。滿。

虛滿伊何。蘭桂移植。六臣本文選注云。善無此二句。茂彼春林。瘁此秋棘。有鳥翻飛。不遑休息。匪桐不棲。匪竹不食。永戢東羽。翰撫西翼。我之敬之。廢歡輟職。

音以賞奏。味以殊珍。文以明言。言以暢神。之子之往。四美不臻。澄醪覆觴。絲竹生塵。素卷莫啓。幄無談賓。既孤我德。又闕我鄰。

光光叟生。出幽遷喬。六臣本文選注云。善本脫此二句。資忠履信。武烈文昭。旌李善本文選作旌。六臣本注云。善作旌。弓駢駢。輿馬翹翹。乃奮長縻。是轡是鑣。何以贈子。竭心公朝。何以敘懷。引領長謠。○文選二十五。詩紀三十一。

### 重贈盧諶詩

握臂書作纏。中有玄晉書作懸。文選同。六臣本注。五臣作懸。璧。本初學記。萬花谷作乃。自荆山璆。晉書作球。惟韵補作怪。彼太公望。昔在渭濱叟。鄧生何感激。千里來相求。白登幸曲逆。鴻門賴留侯。重耳任晉書作憑。五賢。小白相射鉤。苟能隆二伯。晉書作能隆二伯主。安問黨與讐。中夜撫枕歎。相文選注作想。與數子游。吾衰久矣夫。何其不夢周。誰云聖達節。知命故不晉書作無。憂。宣尼悲獲麟。西狩涕孔丘。功業未及建。詩紀作見。夕陽忽西流。時哉類聚作光。不我與。去乎晉書作矣。若雲浮。朱實隕勁風。繁英落素秋。狹路傾華詩紀云。一作車。蓋。

駭駟摧雙輶。何意百鍊剛。化爲繞指柔。○晉書本傳。文選二十五。詩紀三十一。又類聚三十一引浮、秋、輶、柔四韻。初學記二十七引璆一韻。文選三十雜體詩注引遊一韻。韻補二引叟、求二韻。萬花谷後三十一引璆一韻。

## 干寶

寶。字令升。新蔡人。少以才器召爲著作郎。平杜弼有功。賜爵關內侯。中興。領國史。以家貧。求補山陰令。遷始安太守。歷司徒右長史。遷散騎常侍。有周易注十卷、周官注十二卷、春秋左氏傳義十五卷、晉紀二十三卷、搜神記三十卷、干子八卷、集五卷。

## 百志詩

壯士稟傑姿。氣烈有自然。俯仰羣衆中。胡能救世艱。閱揚州刻本作闕。鞏代縫掖。兜鍪易進賢。○御覽三百五十六。

## 張亢

亢。字季陽。協弟。世稱三張。中興初。過江。拜散騎常侍。領佐著作郎。出補烏程令。入爲散騎常侍。復領佐著作。有集二卷。隋志作張杭。

詩

昔我好墳典。下帷慕董氏。吟詠做餘風。染軸舒素紙。○書鈔百四十署張抗。

王鑒

鑒。字茂堂。高堂邑人。少以文筆著稱。初爲元帝琅邪國侍郎。拜駙馬都尉。出補永興令。大將軍王敦請爲記室參軍。未就而卒。時年四十一。有集傳於世。

七夕觀織女詩

牽牛悲歲時雜詠作曹。殊館。織女悼詩紀云。一作怨。離家。一稔期一宵。此期良可詩紀云。一作且。嘉。赫奕玄門開。飛閣鬱嵯峨。隱隱驅千乘。闐闐越星河。六龍奮瑤轡。文螭負瓊車。火丹歲時雜詠作太舟。乘瑰歲時雜詠作瑤。燭。素女執瓊華。絳旗若吐電。朱歲時雜詠作采。詩紀云。一作采。蓋如振霞。雲韶何嘈噉。靈鼓鳴相和。停玉臺作亭。軒紆詩紀作竹。注云。一作紆。高盼。歲時雜詠作昉。眷予歲時雜詠作子。在岌峩。澤因芳露霑。恩附蘭風加。歲時雜詠作和。明歲時雜詠作朝。發相從。歲時雜詠作送。遊。翩翩鸞鷲羅。同遊不同觀。念子憂怨多。敬因三祝末。以爾屬皇娥。○玉臺新詠三。古今歲時雜詠二十五。詩紀三十二。



## 荀組

組。字大章。昴子。惠帝時。歷太子中庶子、滎陽太守。永興中爲河南尹。遷尚書轉衛尉。封陽城縣男。轉司隸校尉。懷帝時爲豫州刺史。愍帝時爲司空。領尚書左僕射。封臨潁縣公。轉太尉。元帝卽位。以爲司徒。大興初。南歸。加錄尚書事。永昌元年。遷太尉。領太子太保。未拜卒。有集三卷。

## 七哀詩

轍兮轍兮。何其寂蔑。○文選二十鄰里相送方山詩注。又文選三十六奉答內兄希叔詩注引下句。

## 王虞

虞。字世將。琅邪臨沂人。惠帝時。辟太傅掾。從迎大駕。封武陵縣侯。拜尚書郎。出爲濮陽太守。元帝鎮江東。以爲司馬。歷廬江、鄱陽二郡太守。及卽位。徵爲輔國將軍。加散騎常侍。永昌元年。王敦以爲平南將軍。領護南蠻校尉、荊州刺史。是年卒。年四十八。有集三十四卷。

## 春可樂

春可樂兮。樂孟月孟月。玉燭寶典只作春字。之初陽。冰泮渙以微流。土冒概而解剛。野暉赫類聚作暉升。以揮綠。

山葱倩玉燭寶典作翠倩倩。以發玉燭寶典作登蒼。○類聚三。又玉燭寶典一引陽一韵及一句。御覽二十引陽、蒼二韵。

吉辰兮上戊。明靈兮唯社。百室兮必集。祈祭玉燭寶典作社。兮樹下。濯茆兮蒞韭。齧蔬兮擗鮓。縹醪兮浮

蟻。交觴兮並坐。氣和兮體適。心怡兮志可。○御覽五百三十二。又玉燭寶典二引戊、社下三韵。

浮盤兮流爵。接飲兮相娛。○玉燭寶典三。

上禊兮三已。臨川兮盞飲。迴波兮曲沼。夾岸兮道渠。○書鈔百五十五。

若乃良辰三祖。祈始吉元。華壇峻□。羽蓋幢幡。○書鈔百五十五。

弱簾平端。○御覽七百八。

## 李充

充。字弘度。江夏人。辟丞相王導掾。除剡令。後爲大著作郎。累遷中書侍郎。卒。有論語注十卷、翰

林論五十四卷、集二十卷。

## 嘲友人詩

同好齊歡愛。纏綿一何深。子既識我情。我亦知子心。燕婉歷年歲。和樂如瑟琴。良辰不我俱。中闊似商參。爾隔北山陽。我分南川陰。嘉會罔克從。積思安可任。目想妍麗姿。耳存清媚音。修畫興永念。遙夜獨悲吟。逝將尋行役。言別泣沾襟。玉臺作檢。詩紀作巾。願爾類聚作示。降玉趾。一顧重千金。○玉臺新詠三。類聚二十五。詩紀三十一。

## 七月七日詩

朗月歲時雜詠作日朗。垂玄景。洪漢截皓歲時雜詠作昊。蒼。類聚作倉。牽牛難牽牛。類聚作收。詩紀云。一作收。織女守空箱。類聚作襄。詩紀云。一作襄。河廣尚可越。怨此漢無梁。○類聚四。古今歲時雜詠二十五。詩紀三十二。北極躔衆星。玉機運六綱。素雲巡濛汜。炎帝收離光。○書鈔百五十五。

## 送許從詩

來若迅風歎。逝如歸雲征。離合理之常。聚散安足驚。○初學記十八。詩紀三十二。

## 李顥

顥。字長林。充子。舉孝廉。爲本郡太守。有尚書注十卷、集十卷。

## 經涸路作詩

言歸越東足。逝將反上都。後洳填類聚作慎。中路。改轍修茲衢。且發石亭境。夕宿桑首墟。勁焱不興潤。零雨莫能濡。亢陽彌十旬。涓滴未暫舒。泉流成平陸。結駟可迴車。聲允相忘鱗。翻爲涸池魚。咫尺不能移。白日奄桑榆。○類聚百。詩紀三十二。

### 涉湖詩

旋經義興境。弭初學記作頓。棹石蘭渚。震澤爲何在。今唯太湖浦。圓徑縈五百。眇初學記作眇。目緬初學記作渺。無覩。高天森若岸。長津雜如縷。窈窕尋灣漪。迢遞望巒嶼。鷺初學記作神。鷗揚飛湍。浮霄薄懸岨。輕禽翔雲漢。游鱗憩中澚。黯藹天時陰。岩堯初學記作堯岩。舟航舞。憑河初學記作何。安可殉。靜觀戒征旅。○初學記七。詩紀三十二。又類聚九引渚、浦、觀、縷四韵。

### 夏日詩

炎光爍類聚作燦。南溟。溽暑融三夏。黜詩紀作霍。對重雲蔭。御覽作陰。砰御覽作碎。稜震雷御覽作電。叱。類聚、詩紀作叱。○類聚三。詩紀三十二。又御覽十三引叱一韵。

### 羨夏篇

羲和遊與併。朱融騁離光。照穴應時戩。超川隨化亡。○書鈔百五十八。  
咧咧林蜩鳴。翩翩鳴鴉翔。○初學記三。

### 感冬篇

高陽攬玄轡。太皞御冬始。望舒游天策。曜靈協燕紀。○初學記三。詩紀三十二。

蜿蜒潛太陰。文雉化淮汜。○初學記六作感冬初。

### 離思篇

烈烈寒氣嚴。寥寥天宇清。○文選二十六辛丑七月赴假還江陵夜行塗口詩注。

### 詩

焦肺枯肝。抽腸裂膈。○文選五十五廣絕交論注。

## 熊甫

甫。王敦參軍。

### 別歌

晉書曰。錢鳳爲王敦鎧曹參軍。知敦有不臣之心。相與朋搆。專弄威權。參軍熊甫。諫敦不聽。遂告歸。臨別歌曰。  
祖風颯起蓋山陵。氛霧蔽日玉石焚。往事既去可長歎。念別惆悵復會難。○晉書沈充傳。詩紀三十二。

## 楊方

方。字公回。會稽人。司徒王導司徒掾。轉東安太守。補高梁太守。年老歸終於家。有五經鈎沉十卷。

吳越春秋削繁五卷、集二卷。

合歡詩五首

詩紀別後三首爲雜詩。注云。樂府通前爲合歡詩。今從玉臺。逯案。馮氏所據本當如此。今所見明本玉臺正作合歡詩五首。

虎嘯谷風起。龍躍景雲浮。同聲好相應。同氣自相求。我情與子親。譬如影追軀。食共並樂府作同。詩紀云。一作同。根穗。飲共連理杯。衣共玉臺作用。韻補同。雙絲絹。韻補作綫。寢共無縫綯。玉臺作綯。韻補同。居願接膝坐。行願攜手趨。子靜我不動。子遊我不玉臺作無。留。齊彼同心鳥。譬此樂府作彼。詩紀云。一作彼。比目魚。情至斷金石。膠漆未爲牢。但願長無別。合形作一軀。生爲併身物。死爲同棺。韻補作椰。灰。秦氏自言至。我情不可儔。○玉臺新詠三。樂府詩集七十六。詩紀三十二。韻補二引絢。留二韻。灰。儔二韻。

磁石引玉臺作招。韻補同。長針。陽燧下炎。韻補作燄。煙。宮商聲相和。心同自相親。我情與子合。亦如影追身。寢共織成被。絮用樂府作共。韻補同。同詩紀作共。功綿。暑搖比翼扇。寒坐併肩氈。子笑我必詩紀作心。晒。子感樂府作覺。詩紀同。我無歡。來與子共迹。去與子同塵。齊彼蚤蚤獸。舉動不相捐。惟願長無別。合形作一身。生有同室。韻補作穴。好。死成併棺民。徐氏自言至。我情不可陳。○玉臺新詠三。樂府詩集七十六。詩紀三十二。又韻補二引捐。民二韻。煙。親二韻。

獨坐空室中。愁有數千端。悲響答愁歎。哀涕應苦言。詩紀云。玉臺作心。彷徨四顧望。白日入西山。不覩佳

人來。但見飛鳥還。飛鳥亦何樂。夕宿自作羣。○玉臺新詠三。樂府詩集七十六。詩紀三十二。

飛黃銜長轡。翼翼回輕輪。俯涉淥玉臺作綠。水澗。仰過九層山。修途曲且險。秋草生兩邊。黃華如沓金。白花玉臺作華。韻補同。如散銀。青敷羅翠彩。絳葩象赤雲。爰有承露枝。紫榮合素芬。扶疏樂府作路。垂樂府作重。

詩紀同。清藻。布翹芳且鮮。目爲豔彩迴。心爲奇色旋。撫心悼孤客。俛仰還詩紀作遠。自憐。峙踞樂府作踟蹰。詩

紀同。向壁歎。攬筆作此文。○玉臺新詠三。樂府詩集七十六。詩紀三十二。又韻補二引邊、銀二韻。芬、鮮二韻。

南鄰詩紀云。玉臺作林。有奇樹。承春挺素華。豐翹被長條。綠葉蔽朱柯。因風吐樂府作吹。微詩紀作微。音。芳氣

人紫霞。我心羨此木。願徙著予玉臺作余。家。夕得遊其下。朝得弄其葩。爾根深且堅。類聚作固。韻補同。予玉

臺、韻補作余。宅淺且洿。移植良無期。歎樂府作欲。息將如何。○玉臺新詠三。類聚八十九。樂府詩集七十六。詩紀三十二。

又韻補二引洿、何二韻。

## 甄述

述曾爲河南功曹、征西諮議參軍。有集十二卷。

## 美女詩

足躡承雲履。豐趺馮春錦。○書鈔百三十六。又御覽六百九十七作女詩。

# 朱德才

贈傅氏當作祇。詩

猗猗彼君子。逍遙集華堂。高論呈玄妙。彈筆播文章。○書鈔百。

# 郭璞

璞。字景純。河東聞喜人。惠懷間避亂過江。宣城太守殷佑以爲參軍。後爲王導參軍。大興初。除著作佐郎。遷尚書郎。以母憂去職。明帝初。王敦起爲記室參軍。以阻敦謀逆。太寧二年被害。年四十九。有爾雅注五卷、音二卷、圖十卷、圖讚二卷、方言注十三卷、三蒼注三卷、穆天子傳注六卷、山海經注二十三卷、圖讚二卷、水經注三卷、周易林五卷、洞林三卷、新林四卷、又九卷、卜韻一卷、楚辭注二卷、子虛上林賦注一卷、集十七卷。

# 答賈九州愁詩三章

廣莫戒寒。玄英啓謝。感彼時變。悲此物化。獨步閑朝。哀嘆靜夜。德非顏原。屢空蓬舍。輕服御冬。藍褐當夏。正未墨突。逝將命駕。幸賴吾賢。少以原缺以字。今從適圖本。慰藉。

願瞻中宇。一朝分崩。天網既紊。浮鯢橫騰。運首北眷。邈哉華恆。雖欲凌羈。矯翮靡登。俯懼潛機。仰慮



飛甍。惟其嶮哀。難辛備曾。庶晞河清。混焉未澄。

自我徂遷。周之陽月。亂離方熾。憂虞匪歇。四極雖遙。息駕靡脫。願言齊衡。庶幾契闊。雖云闔投。圭璋特達。錦駒之變。何有胡越。子固喬楚。我伊羅葛。無貴香明。終自澣渴。未若遺榮。闕情丘壑。原作其齡。今從古逸本。逍遊永年。抽簪收髮。○文館詞林百五十七。

### 與王使君詩五章

道有虧盈。運亦凌替。茫茫百六。孰知其弊。蠢蠢中華。違此虐戾。遺黎其咨。天未忘惠。云誰之眷。在我命代。原當作世。

穆穆皇帝。固靈所授。英英將軍。惟哲之秀。乃協神□。馥如蘭臭。化揚東夏。勳格宇宙。豈伊來蘇。莫知其覆。

懷遠以文。濟難以略。光贊岳謨。折衝帷幙。凋華振彩。墜景增灼。穆其德風。休聲有邇。方恢神邑。天衢再廓。

遭蒙之吝。在我幽人。絕志雲肆。如彼涔鱗。靈適圖本作虛。陰謬古逸本、適圖本作穆。垂。躍我龍津。翹情明規。懷德鑒神。雖賴暫盼。永愧其塵。

靡竭匪浚。靡頽匪隆。持貴以降。挹滿以沖。邁德遺功。於盛思終。願林之藹。樂岱之崇。永觀玉振。長賴英風。○文館詞林百五十七。

### 答王門子詩六章

芊芊玉英。濟美瓊林。靡靡王生。實邁俊心。藻豔三秀。響諧韶音。映彩春蘭。擢糞秋岑。